

Աղաչեմ գերջանիկ գաղափարողսդ, որք օրինակէք զգիրս
դասս, զսակաւ յիշատակս այսոցիկ գրեսցիք, զի գիտացեն
վերջինքն, թէ յուսմէ գտեալ եղև: Զի և դուք գրեսցիք ի գիր
5 յաւիտենական կենացն զպրութեան, ամէն: Եւ պարտ է գի-
տել, թէ զիմարդ գտեալ եղև մեկնութիւն աւետարանիս: Հար-
կեցին զմեզ եղբարքն զմեկնիչն տէր Իգնատիոսի դաս ասելու
Եւ մեք սկսաք ըստ տկարիմաց մտաց մերոց բան բան լուծա-
նել. եւ տեսաք, զի ոչ էր առեալ զբնագիրն ի ներս՝ ըստ
կարգի մեկնութեան բանին մտօք և բանիւ, տրտնջէաք որպէս
10 սովորութիւն մերս Եւ ի նոյն աւուրսն եկն եհաս տօն ծն(ն)-
դեան Քրիստոսի Աստուծոյ մերոյ: Ելեալ զնացաք ի գեօղ մի
կոչեցեալ Ասպիսակըն: Մտաք յեկեղեցին և գտաք ի խորանին
ձգեալ անպիտան ի մէջ մոխրակուտին: Առեալ տեսաք և գո-
հացաք զԱստուծոյ, զի վասն առատատուր պարգևացն և ձրի
15 շնորհացն զհասարակաց զշահն և զօգուտն ոչ արգելէ ողոր-
մած և մարդասէրն Աստուած ի յանարժան վարդապետաց: Եւ
վասն դատն և չար ժամանակիս թշուառութեան 8 ամ ի մէջ
անցաւ. և ոչ կարացաք գրել: Իսկ յորժամ բարեբարն Աս-
տուած սակաւ ինչ անդորրութիւն ետ, ի 876 թվականիս,
20 կամօքն ա՛յ սակաւ ինչ ես գրեցի և զբոլորն գրել ետու հո-
գևոր որոց իմոց թովմայ գրագրի և Յովաննէս դրոց աշակեր-
տի: Զոր և խնդրեմք ի Քրիստոսէ պահեալ զսոսա անփորձ և
անօսասն կենօք մինչ ի խորին ծերութիւնս: Եւ թողութիւն
մեղացն արասցէ Քրիստոս Աստուած ծնօղաց նոցին և ամե-
25 նայն արեան մերձաւորացն ի միասին: Բայց սկիզբն անկեալ
էր մինչև այսօրեանն վեցերորդի: զնախերգան Իգնատիոսին
եղի. եւ զցանդ խորանացն նոր եղի, զի դիւրագիւտ և առ
ձեռն պատրաստ ուսումնասիրացն եղիցի:

Այլ սղալանացն անմեղադիր լինել աղաչեմ, զի էր ինչ,
30 որ ցնջեալ էր և էր ինչ, որ գրիչն սխալեալ էր, զի 230 ամաց
էր: Եւ յոյժ աշխատութեամբ ի յաւարտ ածաք Իսկ դու, սուրբ
եղբայր, զսխալն ուղղեա, զի և դու մասն բարեաց ի տեսունէ
ընկալցիս և վիճակի սրբոցն ի լոյս արժանի լինիցիս հանդերձ
ծնօղ(օ)ք և ամենայն արեան մերձաւորօք. ամէն եղիցի:

Այլ և զհոգևոր և զմարմնաւոր հարազատքն մեր զՄկրտիչ
վարդապետն և տէր Յովաննէս քահանայն և զՎարդ Գօրգի
մելիքն և զՅովաննէս և զԱրիստակէս և զԱմիր մելիքն և
զՍօլթանշա և զհայրն իմ զՍտեփաննոս և զմայրն իմ, զհան-
գուցեալքն ի քրիստոս, աղաչեմ յիշել ի տէր, և միով բանիւ
40 ասել. Քրիստոս Աստուած, արձակեցես զսոսա ի մեղաց կա-
պանաց և ի բանադրութեան մեղանշական քնութեանց և ի